

609

Na osnovu člana 39. stav (1) tačka f) Ustava Hercegovačko-neretvanskog kantona („Službene novine HNK“ broj: 2/98, 3/98, 4/00 i 7/04), Skupština Hercegovačko-neretvanskog kantona je na sjednici održanoj dana 17.12.2019. godine, donijela

ZAKON

O IZMJENAMA I DOPUNI ZAKONA O KONCESIJAMA HERCEGOVAČKO- NERETVANSKOG KANTONA

Član 1.

U Zakonu o koncesijama Hercegovačko-neretvanskog kantona („Službene novine HNK“ broj: 1/13, 7/16 i 6/18), u članu 29. stav (1) i (2) mijenja se i glasi:

„(1) Nezadovoljni učesnik u postupku dodjele koncesije na osnovu javnog poziva, odnosno nadmetanja po pozivu, može u roku od 15 dana od dana objavljivanja odluke o dodjeli koncesije, koncesoru podnijeti zahtjev za preispitivanje odluke.

(2) Nezadovoljni podnosilac prijedloga za dodjelu koncesije na osnovu samoinicijativne ponude, može u roku od 15 dana od dana prijema odluke o dodjeli koncesije, koncesoru podnijeti zahtjev za preispitivanje odluke.“

U stavu (3), iza riječi „stava (1)“ dodaje se „i (2)“.

Član 2.

Postupci za dodjelu koncesije na osnovu samoinicijativne ponude koji do dana stupanja na snagu ovog Zakona nisu okončani, završiti će se po odredbama ovog Zakona.

Član 3.

Ovaj Zakon stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
S K U P Š T I N A

Broj: 02-01-V-098/19
Mostar, 17.12.2019. godine

P R E D S J E D A V A J U Ć I
Šerif Špago, s.r.

610

Na osnovu člana 39. tačka f) Ustava Hercegovačko-neretvanskog kantona („Službene novine HNK“, broj: 2/98, 3/98, 4/00 i 7/04), a u vezi sa članom 9. stav (6) i člana 16. stav 1. Zakona o poticaju razvoja male privrede i zaštiti tradicionalnih djelatnosti (obrta) („Službene novine HNK“, broj: 4/10, 1/13 i 1/16), Skupština Hercegovačko-neretvanskog kantona je na sjednici održanoj 21.11.2019. godine, donijela

O D L U K U

O USVAJANJU IZVJEŠTAJA O REALIZOVANJU ZBIRNOG PLANA ZA 2018. GODINU SVIH NOSIOCA PROGRAMA RAZVOJA MALE PRIVREDE HNK 2016. – 2020. GODINA I STRATEGIJE RAZVOJA MALOG I SREDNJEG PREDUZETNIŠTVA U HNK 2012. – 2020. GODINA

I

Usvaja se Izvještaj Ministarstva privrede Hercegovačko-neretvanskog kantona za 2018. godinu o realizaciji Zbirnog plana za 2018. godinu svih nosioca Programa razvoja male privrede HNK 2016.-2020. godine i Strategije razvoja malog i srednjeg preduzetništva u HNK 2012.-2020. godina, broj: 07-03-30-69-84/19 od 24.05.2019. godine.

II

Izvještaj iz tačke I Odluke čini sastavni dio ove Odluke.

III

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A

Broj: 02-01-IV-100/19
Mostar, 21.11.2019. godine

P R E D S J E D A V A J U Ć I
Šerif Špago, s.r.